

গণপ্রজাতন্ত্রী বাংলাদেশ সরকার
শিক্ষা মন্ত্রণালয়
প্রধানমন্ত্রীর শিক্ষা সহায়তা ট্রাস্ট
সমন্বিত উপবৃত্তি স্কীম

সহযোগিতামূলক অঙ্গীকারপত্র (Co-Operation Agreement)

(গণপ্রজাতন্ত্রী বাংলাদেশ সরকার এবং সমন্বিত উপবৃত্তি স্কীমভুক্ত শিক্ষা প্রতিষ্ঠানের মধ্যে)

শিক্ষাপ্রতিষ্ঠানের নাম-----

ঠিকানা: গ্রাম/মহল্লা-----ডাকঘর-----

উপজেলা-----জেলা-----

বিভাগ-----

টেলিফোন -----ই-মেইল -----

শিক্ষাপ্রতিষ্ঠানের EIIN							
-------------------------	--	--	--	--	--	--	--

সহযোগিতামূলক অঙ্গীকারপত্র (Co-Operation Agreement)

এই সহযোগিতামূলক অঙ্গীকারপত্র ২০২- সালের -----মাসের -----তারিখে গণপ্রজাতন্ত্রী বাংলাদেশ সরকারের পক্ষে সমন্বিত উপবৃত্তি কর্মসূচির পরিচালক (প্রথম পক্ষ) এবং কর্মসূচিভুক্ত শিক্ষাপ্রতিষ্ঠানের ব্যবস্থাপনা/পরিচালনা কমিটির সভাপতি (বেসরকারি শিক্ষাপ্রতিষ্ঠানের ক্ষেত্রে) প্রধান শিক্ষক/সুপারিনটেনডেন্ট/অধ্যক্ষ (সরকারি শিক্ষা প্রতিষ্ঠানের ক্ষেত্রে)

শিক্ষাপ্রতিষ্ঠানের নাম-----

ঠিকানা: গ্রাম/মহল্লা-----ডাকঘর-----

উপজেলা-----জেলা-----

(দ্বিতীয় পক্ষ) এর মধ্যে প্রণীত হলো-

যেহেতু বাংলাদেশ সরকার নিম্নবর্ণিত লক্ষ্য অর্জনে দেশের সকল স্কুল, কলেজ ও মাদ্রাসায় অধ্যয়নরত শিক্ষার্থীদের জন্য সমন্বিত উপবৃত্তি কর্মসূচি চালু করেছে

- ❖ মাধ্যমিক শিক্ষার গুণগত মান উন্নয়ন;
- ❖ অতিদরিদ্র ও অনগ্রসর শিক্ষার্থীদের শিক্ষাপ্রতিষ্ঠানে ভর্তির হার বৃদ্ধি করা;
- ❖ মাধ্যমিক শিক্ষায় লিঙ্গ বৈষম্য দূর এবং শিক্ষার সর্বক্ষেত্রে সমঅধিকার নিশ্চিত করা;
- ❖ মাধ্যমিক শিক্ষায় শিক্ষার্থীর ঝরে পড়ার হার রোধ করা;
- ❖ সকল শিক্ষাপ্রতিষ্ঠানে শিক্ষা ও শিখনবান্ধব পরিবেশ নিশ্চিত করা;
- ❖ মাধ্যমিক পর্যায়ের সকল শিক্ষার্থীর পর্যায়ক্রমে বিনাবেতনে শিক্ষা নিশ্চিত করা
- ❖ শিক্ষার্থীদের জন্য নিরাপদ পানীয় জল সরবরাহ নিশ্চিত করা;
- ❖ শিক্ষাপ্রতিষ্ঠানের নারী-পুরুষের জন্য পৃথক স্বাস্থ্যসম্মত শৌচাগার নিশ্চিত করা।

এবং যেহেতু উল্লিখিত শিক্ষাপ্রতিষ্ঠানের ব্যবস্থাপনা/পরিচালনা কমিটি এই কর্মসূচির মাধ্যমে উপরে বর্ণিত লক্ষ্য বাস্তবায়ন প্রক্রিয়ায় অংশগ্রহণের জন্য ইচ্ছা প্রকাশ করেছেন এবং সরকারও নিম্নবর্ণিত শর্তাদি পালন সাপেক্ষে প্রয়োজনীয় আর্থিক ও কারিগরি সহায়তা প্রদানে সম্মত হলেন

অনুচ্ছেদ-১ সাধারণ সংজ্ঞা

ধারা ১-০১; অন্য কোনো চুক্তি অথবা আইনে যাই থাকুক না কেন এ অঙ্গীকারনামায় নিম্নে বর্ণিত শব্দসমূহের অর্থ নিম্নরূপে সঙ্গায়িত হবে-

- ক. যোগ্য শিক্ষার্থী হলো সে সকল শিক্ষার্থী, যারা---
- ১) ন্যূনতমশতকরা ৭৫ (পঁচাত্তর) দিনশ্রেণিকার্য ক্রমে উপস্থিত আছে
 - ২) প্রতিষ্ঠানের সাময়িক পরীক্ষায় ন্যূনতমশতকরা ৪৫ নম্বর প্রাপ্ত এবং
 - ৩) অবিবাহিত শিক্ষার্থী।
- খ. সমন্বিত উপবৃত্তি কর্মসূচি বলতে প্রধানমন্ত্রীর শিক্ষা সহায়তা ট্রাস্ট কর্তৃক পরিচালিত উপবৃত্তি কর্মসূচিকে বুঝাবে।
- গ. শিক্ষাপ্রতিষ্ঠান বলতে এ কর্মসূচিভুক্ত স্কুল কলেজ ও মাদ্রাসাকে বুঝাবে।
- ঘ. 'সেবা' এবং 'সহায়তা' বলতে এ কর্মসূচি বাস্তবায়নে কর্মসূচির গাইডলাইন অনুযায়ী ২য় পক্ষ কর্তৃক প্রদত্ত সেবা এবং সহায়তাকে বুঝাবে।

অনুচ্ছেদ-২ পক্ষদ্বয়ের অবশ্য করণীয় ও বাধ্যবাধকতা

ধারা ২-০১ প্রথম পক্ষের বাধ্যবাধকতা- বাংলাদেশ সরকার অর্থাৎ ১ম পক্ষ এ কর্মসূচি বাস্তবায়নে সার্বিক দায়িত্ব পালন করবে এবং

- ক. প্রত্যেক যোগ্য শিক্ষার্থীকে উপবৃত্তি ও অন্যান্য আর্থিক সহায়তার অর্থ পরিশোধ করবে।
- খ. প্রয়োজনে যেকোনো সময় যোগ্য শিক্ষার্থীর সংখ্যা ও সঠিকতা যাচাই বাছাই ও পুনঃনিরীক্ষণ করতে পারবে।
- গ. কর্মসূচিভুক্ত সকল শিক্ষাপ্রতিষ্ঠানে যোগ্য শিক্ষার্থীর টিউশন ফি পরিশোধ ও অন্যান্য সহায়তা প্রদান করবে।
- ঘ. ইচ্ছাকৃতভাবে ভুল তথ্য প্রদান করে শিক্ষার্থী নির্বাচন করলে দায়ী ব্যক্তিদের বিরুদ্ধে আইনানুগ শাস্তিমূলক ব্যবস্থা গ্রহণ করবে।
- ঙ. শিক্ষাপ্রতিষ্ঠানের ব্যবস্থাপনা/পরিচালনা কমিটিকে কর্মসূচি বাস্তবায়নের স্বার্থে যেকোনো আদেশ/নির্দেশ/উপদেশ প্রদান করবে।
- চ. পর্যায়ক্রমে সকল শিক্ষার্থীর টিউশন ফি ভর্তুকি হিসাবে কর্মসূচিভুক্ত সকল শিক্ষাপ্রতিষ্ঠানে প্রদান করবে।

ধারা ২-০২ দ্বিতীয় পক্ষের বাধ্যবাধকতা- ২য় পক্ষ অর্থাৎ শিক্ষাপ্রতিষ্ঠানের ব্যবস্থাপনা পরিচালনা কমিটির সকল সদস্যসহ সকল শিক্ষক ও অভিভাবক এ স্কীম বাস্তবায়নে সার্বিক সহযোগিতা করবে এবং

- ক. পরবর্তী শিক্ষাবর্ষে র ১৫ ফেব্রুয়ারি এবং কলেজের ক্ষেত্রে ১৫ আগস্ট এর মধ্যে এই স্কীমে যোগদান করবে এবং ৩১ জানুয়ারি (স্কুলের ক্ষেত্রে)/৩১ জুলাই (কলেজের ক্ষেত্রে) এর মধ্যে শিক্ষার্থী ভর্তির কার্যক্রম শেষ করবে।
- খ. প্রতি বছর ১৫ ফেব্রুয়ারির মধ্যে স্কীমের জন্য নির্ধারিত শিক্ষার্থীর আবেদনপত্র(SAF) শিক্ষাপ্রতিষ্ঠান প্রধানের প্রত্যক্ষ তত্ত্বাবধানে নির্ভুলভাবে পূরণে সহায়তা করবে এবং ভুল তথ্য প্রদানের জন্য দায়ী থাকবে।
- গ. নির্ভুল তথ্য প্রদানের স্বার্থে শিক্ষাপ্রতিষ্ঠান প্রধান প্রয়োজনে শিক্ষার্থীর বসতবাড়ি পরিদর্শন করবে।
- ঘ. শিক্ষার্থীদের আবেদনপত্রসমূহ অনলাইনে সঠিকভাবে পূরণের পর অনলাইনেই সংশ্লিষ্ট উপজেলা/থানা/জেলা মাধ্যমিক শিক্ষা অফিসে প্রেরণ করবে।
- ঙ. শিক্ষাবর্ষের ১ম টার্ম/সাময়িক পরীক্ষার পূর্বেই উপবৃত্তি অব্যহত রাখার যোগ্যতাসমূহ শিক্ষার্থীদেরকে বুঝিয়ে বলবে।
- চ. উপবৃত্তি উপকারভোগী শিক্ষার্থীদের কাছ থেকে কোনো টিউশন ফি আদায় করবে না।

- ছ. প্রতি শিক্ষাবর্ষে অভিভাবকশিক্ষক সমিতির ন্যূনতম ২টি সভা আহ্বান করবে এবং সমন্বিত উপবৃত্তি স্কীমে শিক্ষার্থীর আবেদন করার পদ্ধতি এবং উপবৃত্তি অব্যাহত রাখার শর্তাবলী বুঝিয়ে বলবে।
- জ. শিক্ষাপ্রতিষ্ঠানের চারপাশ পরিষ্কার পরিচ্ছন্ন রাখাসহ শিক্ষক এবং ছাত্র-ছাত্রী প্রত্যেকের জন্য পৃথক স্বাস্থ্যসম্মত শৌচাগার এবং সুপেয় পানীয় জলের ব্যবস্থা করবে।
- ঝ. ৬ষ্ঠ-১২শ শ্রেণির শিক্ষার্থীদের নিয়ে ওরিয়েন্টেশন সভা আয়োজনের মাধ্যমে এই কর্মসূচির লক্ষ্য ও উদ্দেশ্য অবহিত করবে।
- ঞ. শিক্ষাপ্রতিষ্ঠানের ব্যবস্থাপনা/ পরিচালনা কমিটিতে ন্যূনতম দুইজন নারী সদস্য রাখবে। প্রধানমন্ত্রীর শিক্ষা সহায়তা ট্রাস্ট এবং মাধ্যমিক ও উচ্চশিক্ষা অধিদপ্তর এ স্কীমের আওতায় আয়োজিত কর্মশালা/প্রশিক্ষণে শিক্ষাপ্রতিষ্ঠানের ব্যবস্থাপনা/পরিচালনা কমিটির সদস্য ও শিক্ষকগণ অংশগ্রহণ করবেন।
- ট. শিক্ষাপ্রতিষ্ঠান শিক্ষার্থীদের উপস্থিতি, সাময়িক পরীক্ষার উত্তরপত্র, ফলাফল ও বিবাহ সম্পর্কিত তথ্য সঠিক ও সুবিন্যস্তভাবে রক্ষণাবেক্ষণ করবে যেন যেকোনো সময় কর্তৃপক্ষ তা পর্য্যালোচনা করে দেখতে পারে।
- ঠ. শিক্ষাপ্রতিষ্ঠানে শিক্ষাবান্ধব পরিবেশ নিশ্চিত করতে হবে।

ধারা ২-০৩ শিক্ষাপ্রতিষ্ঠান শিক্ষক-কর্মচারীদের মাসিক বেতনভাতাদি নিয়মিত পরিশোধ করবে।

ধারা ২-০৪ শিক্ষাপ্রতিষ্ঠান শিক্ষার্থীদের জন্য উপযুক্ত আসবাবপত্রসহ সুপারিসর শ্রেণিকক্ষের ব্যবস্থা করবে।

ধারা ২-০৫

- ক. শিক্ষাপ্রতিষ্ঠান প্রধান প্রতিষ্ঠানের বার্ষিক আয়-ব্যয়ের প্রাত্যহিক ভিত্তিতে সঠিক হিসাব সুনির্দিষ্ট ফরমেট রেজিস্টারে সংরক্ষণ করবে, যেন যেকোনো সময় নিরীক্ষা করতে পারে। প্রতিষ্ঠান প্রধান প্রতিষ্ঠানের বার্ষিক বিভিন্ন ইভেন্ট ও কার্যাবলির একটি তালিকা প্রস্তুত করে সংশ্লিষ্ট উপজেলা/থানা মাধ্যমিক শিক্ষা অফিসারের নিকট পেশ করবে। এ ছাড়াও নিম্নবর্ণিত রেজিস্টারসমূহ সবসময় হালনাগাদ রাখতে হবে
- ১) শিক্ষার্থী ভর্তি রেজিস্টার ২) শিক্ষার্থী ও শিক্ষক উপস্থিতি রেজিস্টার ৩) শিক্ষার্থী ট্রান্সফার রেজিস্টার ও বিভিন্ন সাময়িক পরীক্ষার উত্তরপত্র ৪) শিক্ষার্থীর বিভিন্ন পরীক্ষার ফলাফল রেজিস্টার।
- খ. বর্ণিত রেজিস্টার ও রেকর্ডসমূহ উপজেলা/থানা মাধ্যমিক শিক্ষা অফিসার অথবা প্রধানমন্ত্রীর শিক্ষা সহায়তা ট্রাস্ট কার্যালয়ের যেকোনো কর্মকর্তার পরিদর্শনের সময় প্রদর্শন করবে।
- গ. শুধুমাত্র ষষ্ঠ ও একাদশ শ্রেণির শিক্ষার্থীদের উপবৃত্তির জন্য আবেদন করার সুযোগ নিশ্চিত করবে। তবে এ কর্মসূচি বহির্ভূত কোনো শিক্ষাপ্রতিষ্ঠান থেকে অথবা কোনো শিক্ষার্থী নবম শ্রেণিতে ভর্তি হলে তাকে আবেদনের সুযোগ দিতে হবে।
- ঘ. দশম এবং দ্বাদশ শ্রেণির উপকারভোগী শিক্ষার্থীদের সংশ্লিষ্ট শিক্ষা বোর্ডের রেজিস্ট্রেশন নম্বর নিশ্চিত করতে হবে।

অনুচ্ছেদ-৩ অঞ্জীকারপত্রের সময়কাল ও বাতিলকরণ

ধারা-৩-০১ এই অঞ্জীকারপত্র উভয়পক্ষের স্বাক্ষরের তারিখ থেকে কার্য কর হয়েছে বলে গণ্য হবে। প্রথম পক্ষের নোটিশের মাধ্যমে দ্বিতীয় পক্ষ কর্তৃক ধারা-২ এ বর্ণিত শর্তাদি পালন সাপেক্ষে প্রতি বছর তা নবায়ন করা যাবে। যদি ১ম পক্ষ কর্তৃক ২য় পক্ষের আর্থিক অনিয়ম ও শর্তাদির বিচ্যুতি পরিলক্ষিত হয় তবে তা সংশোধনের জন্য নোটিশের মাধ্যমে ১ম পক্ষ ২য় পক্ষকে ১ বছর সময় দিতে পারবে। নির্ধারিত সময়ের মধ্যেও যদি ২য় পক্ষ অনিয়ম সংশোধন ও শর্তাদি প্রতিপালনে ব্যর্থ হয় তবে নির্ধারিত এক বছর সময় শেষ হওয়ার পরদিন থেকেই ১ম পক্ষ ২য় পক্ষকে প্রদত্ত টিউশন ফি প্রত্যাহার করতে পারবে এবং সমস্ত অনিয়ম সংশোধনের এবং প্রয়োজ্য শর্তাদি যথাযথভাবে প্রতিপালনের জন্য সতর্ক করে আরো এক বছর সময় দিতে পারবে।

ধারা-৩-০২ ২য় পক্ষ যদি এই অতিরিক্ত এক বছর সময়ের মধ্যেও অনিয়ম সংশোধন করতে এবং শর্তাদি প্রতিপালনে ব্যর্থ হয় তবে ১ম পক্ষ ৩০ দিনের নোটিশ প্রদানের মাধ্যমে ১ম পক্ষ ২য় পক্ষকে প্রদত্ত সকল সুযোগ সুবিধা প্রত্যাহার করতঃ এই অঞ্জীকারনামা বাতিল করতে পারবে।

নাম ও স্বাক্ষর তারিখসহ

পরিচালক

সমন্বিত উপবৃত্তি কর্ম সূচি

প্রধানমন্ত্রীর শিক্ষা সহায়তা ট্রাস্ট

শিক্ষা মন্ত্রণালয়

নাম ও স্বাক্ষর তারিখসহ

সভাপতি

ব্যবস্থাপনা/পরিচালনা পরিষদ

শিক্ষাপ্রতিষ্ঠানের নাম ও ঠিকানা

প্রতিষ্ঠানের সীল

নাম ও স্বাক্ষর তারিখসহ

উপজেলা/থানা মাধ্যমিক শিক্ষা অফিসার

অফিস সীল

নাম ও স্বাক্ষর তারিখসহ

শিক্ষাপ্রতিষ্ঠান প্রধান

অফিস সীল

প্রথম পক্ষের সাক্ষী

১।

২।

৩।

দ্বিতীয়পক্ষের সাক্ষী

১।

২।

৩।